

Kea Bona, Kea Batla, Kea Nka



SABATHA MANTSIBOEA

Bakeng sa Thuto ea Beke ena Bala:

2 Bakor. 8:1–7; Mattheu 13:3–7, 22; Genese 3:1–6; Esa. 56:11; Mattheu 26:14–16; 2 Petrose 1:5–9.

Temana ea Khopolo:

“Ha e le ea e amohetseng har’a meutloa, ke ea utloang lentsoe; empa ho belaella lintho tsa lefatše lena, le ho thetsa ha leruo, ho pupetsa Lentsoe, ’me le nyope.” (Mattheu 13:22).

Lerato la chelete le matlotlo le ka re tlela ho tsoa mahlakoreng a fapaneng. Ellen G. White o hlalosa leraba la Satane la ho re lopetsa ka boieane ba matlotlo a lefatše. “Tsamaeang, etsang batho ba nang le naha le chelete hore ba taoe ke ntho tsa lefatše lena. Ba bontšeng kamoo lefatše le leng monate kateng, hore ba sebelise matlotlo a bona mona, ’me ba rate ntho tsa lefatše. Re tlameha ho sebetsa ka matla ho thibela ba sebeletsang Molimo ho ba le lintho tseo baka li sebelisang khalhanong le rona. Ha re etseng hore chelete e lule e le ea rona.

Ha ba kaba le ntho tse ngata, ba tla lematsa ’muso oa rona haholo ka ho re nkela *batho*. Etsang hore ba rate chelete ho feta ho haha ’muso oa Krete le ho hasa linnete tseo re li hloileng, ’me ha rea lokela ho tšaba tšusumetso ea bona; hobane rea tseba hore motho e mong le e mong ea lekhonatha ea khalang o tla oela matleng a rona, ’me qetellong o tla arohana le batho ba Molimo” — *Counsels on Stewardship*, maq. 154, 155. Leraba lena, ka bomali-mabe, le bonahala le sebetsa hantle. Ka hona ha re shebaneng le kotsi tsena le seo Lentsoe la Molimo le re bolellang sona hore re qobe sefi sena sa semoea.

**Ihute Thuto ea beke ena ho lokisetsa Sabatha sa la 13 Pherekhong.*

Evangeli ea Ho ba Morui

Moruti ea tummeng thelevisheng o na le molaetsa o bonolo: Molimo O batla ho u hlohonolofatsa, 'me bopaki ba tlhohonolofatso ea hae ke bongata ba matlotlo ao o nang le ona. Ka mantsoe a mang, haeba o tšepahala, Molimo O tla u etsa morui. Taba ena, kapa tse tšoanang le eona, e bitsoa evangeli ea borui: Latela Molimo, U tla u etsa morui oa matlotlo a lefatše. Taba ena hase letho ha e se thuto Molimo ea leshano ea ho emela maruo, hobane haele hantle seo e se bolelang ke sena, na u batla hoba motho oa matlotlo a lefatše 'me u utloe monate oa bophelo? Ke hantle, re na le “evangeli” bakeng sa hau. Empa ho amahanya evangeli le tiisetso ea borui ke nthonyana e se nang motheo. Tumelo ena e loantšana le mangolo, 'me e bontša Thuto-Molimo e tletseng bo 'na e mpang e itšoanela le 'nete e hafo e apesitsoeng puo ea Bibeletse fela. Khubung ea leshano lena ho lutse khubu ea libe tsohle, 'me sona ke bo 'na le takatso ea ho khotsofatsa bo 'na ka holimo tsohle.

Thuto-Molimo ea evangeli ea borui e ruta hore, ka ho fana ho Molimo, le rona re fumana tiisetso ea borui ba ntho tsa lefatše. Empa sena se etsa Molimo mochini oa tobetsa eleng se etsang likamano tsa rona le Eena letho haese konteraka fela: ke etsa tjena le uena u tšepisa ho mputsa ka ho nketsetsa tjena. Rea fana, eseng hobane e le nthoe nepahetseng ho etsa joalo, empa ka baka la seo re se fumanang ka ho etsa joalo. Hono ke evangeli ea borui.

Bala 2 Bakorinthe 8:1–7. Ke sefe se etsahlang moo? Ke tšiea life tseo re li bonang litemaneng tsee tse khahlanong le taba ee ea evangeli ea borui? Paulosi o bolelang h'a buoa ka “ho fana ka mohau” (2 Bakor. 8:7)?

Batho bana, leha ba le “bofutsaneng bo boholo” “extreme poverty” (2 Bakor. 8:2), ba ne ba fana haholo, ba fana le ho feta kamoo ba nang le hona. Litemana tse kang tsena, le tse ling tse ngata, li thusa ho hanyetsa Thuto-Molimo ea evangeli ea borui, e rutang hore ha u phela hantle mahlomng a Molimo u tla ba le matlotlo a mangata a pakahatsang seo.

Ke mehlala efe eo u ka e fumanang ea ba tšepahallang Molimo empa ese barui ba matlotlo a lefatše, le a ba sa tšepahalleng Molimo empa e le baruihali ba matlotlo a lefatše? See se lokela ho re bontša eng malebana le ho sebelisa leruo ele sesupo sa tlhohonolofatso ea Molimo?

Pono ea Semoea e Lerōtho

Ha re hloke hoe Bible e re rute 'nete e 'ngoe e hlakileng: ntho tsa lefatše lena le maruo a lona ke tsa nakoana. Ha ho letho leo eleng la moshoelella mona, ha letho le tšoarellang. Joallokaha Paulosi a e cho: “Ha re fela re sa talime tse bonahalang, re mpa re talima tse sa bonahaleng; hobane tse bonahalang ke tsa mehla ena fela, empa tse sa bonahalang ha li ke tsa e ba le bofelo” (2 Bakor. 4:18). Bakreste ba ba le pono e moketa haeba ba shebane le ntho tsa fatše lena ho e na le tsela e eang leholimong. 'Me nthong tse 'maloa tse ka foufatsang mahlo a bona tseleng eno haho e fetang thetso ea maruo. Helen Keller, eo e neng e le sefofu, o itse: “Motho oa sona ka ho fetisisa lefatšeng ke motho ea nang le mahlo a bonang, empa a sena pono.” Bible e tletse mehlala ea batho ba bonang, empa, haele hantle, e le lifofu tsa semoea.

“Ba bang ba rata lefatše lena hoo seo se koenyang lerato la 'nete. Ha matlotlo a bona a hola mona, thasello ea bona matlotlong a leholimo e ea fokotseha. Ha ba ateloa ke tsa lefatše lena, ba khomarellana le tsona haholo ho feta, joalokaha e ka ba tšaba hore ba tla falatsoa matlotlo a bona ao b'a lakalitseng. Ha ba rua haholo, ba fana hanyenyane ho ba bang, hobane ha ba ateloa, ba ikutloa ba futsaneha ho feta. Ooe, ho thetsa ha maruo! Ba ke ke ba bona le ho utloa tse batloang ke tsela ea Molimo.”—Ellen G. White, *Spiritual Gifts*, vol. 2, leq. 267. Pono e foufetseng ea semoea e beha pholoho tsietsing. Ha ho'a lekana ho bona Jesu; re tlameha hore re se panye esere a re nyamella.

Bala Mattheu 13:3–7 le 22. Ke koti efe eo Jesu A hlokomelising ka eona moo? Ke hobaneng ha see e le sefi se bonolo ho mang le mang, a futsanehile kapa a ruile, ho oela ho eona?

Taba ea pele, Jesu O re fa temoso khahlanong le “lintho tsa lefatše lena” (Mattheu 13:22). Jesu O oa tseba hore bohle re na le litlhoko, tse akhang tsa lichelete. Mafutsana a khathatsoa ke hore ha a na se lekaneng, barui ba khathatscha ka hore na e be ba ka batlang hape-hape. Re tlameha ho ema ka tieo hore re se lese litlhoko tsena ho “monya lentsoe” (Mattheu 13:22) maphelong a rona. Ea bobeli, Jesu O re hlokomelisa ka “ho thetsa ha maruo” (Mattheu 13:22). Leha maruo ka bo oona a se litšila, a ntse a e-na le matla a ho re thetsa ka mokha o ka re isang timelong ea rona ea moshoelella.

Tse ling tsa tsela tseo u ka bonang “ho thetsa ha maruo” ka tsona bophelong ba hau ke life? Ke khetho tsa bophelo li fe tseo eleng ntho tse ka etsahalang tseo u ka li etsang ho itšireletsa khahlanong le thetso tsee?

Likhato tsa Ho Lakatsa

Joaloka libe tsohle, ho lakatsa ho qala ka pelong. Ho qala ka hare ho rona e be ho sebetsa ka ntle. Sena ke sona se etsahetseng Edeneng.

Bala Genese 3:1–6. Satane o ile a etsa’ng ho ho hohella Eva sebeng? O sebelisa motheo o tsoanang lemo tse kaofela ho re thetsa joang, le rona?

“Mosali e itse ha a bona hore sefate se monate ho jeoa, ’me se khahlisa mahlo, ’me se lakatseha ke ho hlalefisa, a nka litholoana tsa sona, a li ja, ’me a nea monna oa hae ea neng a na le eena a ja.” (Genese 3:6). Haeba motho a sa tsebe hantle, a ka nahana hore indasteri ea papatso e fumane mohlala oa eona ho rekisa lihlahisoa tsa eona paleng Edene. Satane o ile a teka tholoana ea sefate se hanetsong ho Eva ka tsela e nyollang takatso ea ho batla se fetang seo a se ntse a na le sona, le ho mo etsa hore a nahane o hloka seo a neng a sa se hloke ho hang. Ke bohlale bo bo kakang! Ho oa ha hae ho hlakisa mehato e meraro eo bohle re e nkang pele re oela litakatsong: Kea bona, Kea batla, Kea nka.

Ehlile, ho khala, e kaba sebe se thotseng. Joaloka ho lakatsa, e patiloe kamora lesira la nama ea rona. Empa qetellong ha ho beha litholoana, ho ka ba kotsi-kotsi. Ho ka senya likamano, ea siea mehoabali baratsoeng ba hao, le ho re teteka ka boikoahlaeo kamora moo. E re ho khala ho hlahe, u bone ha bo kupetsa motheo o mong le o mong. Morena Akabe o ile a bona serapa sa morara sa Naboth, a se batla, a topola ho fihlela mofumahali oa hae a etsa hore Naboth a bolaoe ka baka la eona. (1 Marena 21). Akane o ile a sitoa ho iphanya h’a bona seaparo le chelete, a li khalla eaba oa li nka (Joshua. 7:20–22). Qetellong, ho khala ke mofuta o mong oa ho icheba bo uena fela.

“Haeba boikhabo e ba mofuta oa sebe o jang setsi, ho khala ho ka nkoa e le mofuta oa boikhabo o jeleng setsi. Taba ena e otloa botsekeng ke moapostola Pauslosi, h’a hlalosa ‘linako tse bohloko’ [2 Tim 3:1] tsa bokoenihi ba ho qetela, o beha ho icheba bo uena e le oona motso oa bongata ba libe tsohle ho tlang ho ba teng, ’me ho khala e le tholoana ea bona ea pele. ‘Hobane batho e tlabathati, le ba ratang leruo’ [2 Tim 3:2].”—Johanne Harris, *Mammon*, (New York: Lane & Scott, 1849) leq. 52.

Ke hobaneng ho le bohlokoa ho lemoha kahare ho rona, moneketselanyana ofe kapa ofe oa ho khala?

Meharo—Ho Fumana Lintho ka Tsela ea Hau

Bala Esaia 56:11. Temoso ee lemosa ka sebe sefe?

Ho rona batho ba oeleng, meharo e kaba bonolo joaloka ho hema. Hape e be maling. Leha hole joalo, ho thata ho nahana eng kapa eng semelong sa motho e tlontlolang semelo sa Kreste ho feta meharo. “Hobane le tseba mohau oa Morena oa rona Jesu Kreste, hoba, leha a ne a enne, o na a iketse mofumanehi ka baka la lona, le tle le ene ka bofumanehi ba hae” (2 Bakor. 8:9). Ke Morena fela ea tsebang tšenyao e tlisitsoeng ke meharo nalaneng eohle. Meharo e tsoetse lintoa. Meharo e entsa hore batho ba etse tlolo tsa molao tse tlisitsoeng masisa-pelo ho bona le malapa a bona. Meharo e ka tšoana le tšenyane e kenang mothong e je sohle ho fihlela ho setse meharo e mengata fela. Meharo ke lefu le batlang sohle se teng: seriti, matla, le maruo. Hape hape, Kea bona, Kea batla, Kea nka.

Bala Mattheu 26:14–16. Ke sefe seo re ka ithutang sona ka matla a meharo paleng ee e bohloko?

Hlokomela mantsoe a Judase: “‘Le tla ’nea’ng ke tle ke le neele eena?’” (Mattheu 26:15). Bua ka ha meharo e apesa sohle-sohle! Judaase o bile le monyetla o fumanoeng ke batho ba ba seng bakaenyana fela lefatšeng nalaneng eohle: O phele le Jesu ea entsoeng motho, a bona mehlolo ea hae, a mo utloa h’a ruta mantsoe a bophelo. Empa—bona seo meharo le ho khala li entseng hore a se etse.

“Mopholosi o sebelitse eo e neng e tloba moeki oa hae ka bonolo hakaakang! Thutong ea hae, Jesu o ile a toboketsa metheo ea ho ba mosa eleng se khathang metsong ea meharo. O ile a bontša Judase kamoo meharo eleng soto kateng, ka makhetlo barutuo a ba hae ba ile ba lemoha hore semelo sa hae se’a pepesoa, sebe sa hae se’a tobatsoa; empa a seke a ipolela sebe a furalle ho se hloeke ha hae.”—Ellen G. White, *The Desire of Ages*, leq. 295.

Ke mang, haeba a sa hlokomela, a sa bonahatseng meharo e itseng semelong sa hae? Ke joang, ka mohau oa Molimo, re ka tlisang semelo see se maling tlasa taolo?

Boitaolo

Bala litemana tse latelang. Li reng ka seka, 'me se tlamehang ho re thusa ho utloisisa kamoo batho, barui kapa mafutsana, ba ka itšireletsang kotsing tsa meharo, ho khala, le lerato la chelete le matlotlo li ka li tlisetsang Mokreste?

Liketso 24:24–26

Bagal. 5:22–25

2 Petrose 1:5–9

Litemana tsena li nonne li bile li tletse taelo e halalelang malebana le kamoo re tlamehang ho phela kateng. Empa ela hloko ntho e tsoanang: boitšoaro. Semelo sena se ka ba thata haholo ha ho tluoa meharong, ho khala, le takatso ea ho ba le lintho. Ke fela ka boitšoaro, pele, ba menahano e be ba liketso, re ka tšireletsehlang kotsing ea tsena tseo ho buuoeng ka tsona.

Re ka sebelisa matla a na ho fella moo re itlohellelang matla a Molimo hore a nke taolo. Haho le ea mong oa rona, eo ka boena, a ka hlolang litloaelo tsa sebe, haholo-holo haeba khale li metse li bile li ratoa. Ruri re hloka hore matla a phahametseng tlhao a Moea O Halalelang a sebetse maphelong a rona haeba re batla ho hlola thetso tsena tse matla. “Ha le e so ka le hlaheloa ke moleko o sa lekaneng motho; empa Molimo oa tšepeha, o ke ke oa lumela hore le hlaheloe ke moleko o ka le sitang, empa moleko ha o le teng, o tla le etsetsa sebaka sa ho tsoa ho oona, le tle le tsebe ho o jara” (1 Bakor. 10:13).

Bala hape 2 Petrose 1:5–9. Tsela eo Petrose a e supang ke efe? mehato ea eona ke efe, 'me ke joang re ka ithuttang ho e latela, haholo-holo ntoeng ea rona khahlanong le meharo le mohono?

Ho Ithuta Haholoanyane:

Tabatabelo e kholo-kholo ea motho ke ho thaba le ho khotsofala. Empa ho ho ikhotsofatsa ka maruo ho ka se e fihlele. Botebong bapelo, batho ba tseba hantle hore sena ke 'nete, empa ba itsoella pele ka lenyora la bona matlotlo a lefatše: Kea bona, kea batla, kea Nka. Ke eng e ka bang bonolo ho feta hoo? Baleti, hantle joaloka mang le mang, ba tobane le moleko oa ho ingolisetsa ho ba le seabo ho sebeletseng maruo. Empa ho lula u fumana matlotlo ana ha ho tlise thabo, khotsofalo, kapa boiketlo. Empa ho tlisa mathata, a bonahalang nakong eo mohlankana e mocha oa morui a furalla Jesu a sa thaba, a nyahame, a bile a khathetse matla hobane a sa utloa kapa ho fumana seo a neng a se batla. “Matlotlo a amahangoa le ho pharalla ho eisang boiketlo ba motho, ho tloha bophelong bo tlase ba thabo bo khotsofetseng, ho ea ho seterese le ho lula u khathatsehile, ho ea mathateng a 'mele a kang ho opeloa ke hlooho, le bokooa ba semelo, ho ipona betere, le ho se kopa-kopane le batho.”—Tim Kasser, *The High Price of Materialism* (Cambridge, Mass.: The MIT Press, 2002), leq. 22. Bakreste ba leruo, ka mantsoe a mang, ba noa selibeng sa borui ka motlotlo empa semoeng ba nyoriloe. Empa haho mohla re tla nyorora ha re noa metsi ao Krete a fanang ka ona (Johanne 4:14).

Lipotso Tsa Ho Qoqoa:

1. Tsepamisa maikutlo haholo tabeng ea evangeli ea borui. Ke litema life tseo ba lumelang nthong ee ba ka li sebelisang ho leka ho e hasa? Ka mokha o tšoanang, ke mehlala efe eo u k e fumnanang Bibeleng ea batho bao maphele a bona a hanyetsang thuto ee ea leshano?
2. Kamora hore ngoana' hae a be le lilengoana tse 'maloa, monna e mong o ile a re: “Ke ithutile linnete tse peli tsa bohlokoa tsa Bibeletso ngoaneng enoa. Ea pele, hore re hlaha re le baetsalibe. Ea bobeli, hore re hlaha re le meharo.” Ke mang ea ka phetang pale tse bontšang kamoo ka tlhaho batho ba leng meharo kateng. See se re bolellang ka tlhoko ea mohau o halalelang?
3. “Haeba re batla mohloli oa mathata a rona,” motho e mong o kile a ngola, “Ha rea lokela ho hlahlola lithethefatsi bathong—re lokela ho ba hlahlobela bothoto, ho se tsebe, meharo, le lerato la matla.” Ke sefe ka meharo se senyang, eseng fela ho motho ea meharo, empa le ho ba bang? U tseba mehlala ofe oa kamoo meharo e bakileng tšenyō e kholo ho bohle ba amehang?